

Mbawraeu Homfwdfwd

□ Luz Vanjinh / 陆婉珍

“Dahvanj, caiq gvaq geij ngoenz couh dwg sam nyied cosam lo, mboengqneix fwn cin moengmoeng, mbawraeu seizneix engqgya heuruem-ruem, sou gyaез gwn haeuxnaengj haj saek, gou yaek guh lubw.”

“O! Ndei ha!” Dingq daxmeh baenzneix gangj, gou couh lumj nyouq daengz gij mbawraeu homfwdfwd nei lo, ndawsim hix riengz dwk maqmuengh hwnjdaeuј.

“Deng lo, sam nyied cosam ciet neix, mehбай, bohгux, boh’au gyoengqde cungj cienz ranz daeuј guh hek bw. Dingqgangj bineix Guengjsae raeuz youh ndaeј cuengq geij ngoenz gyaj dem, sou geij mehlwg hix ndaeј-hoengq dauqma ba?”

Daxmeh baez haibak, gij vah cungj mbouј dingz mbouј duenh. Gou yienznaeuз mbouј maiј daxmeh baenz mboen, hoeng vihliux mbouј hawj daxmeh saetmuengh, hix naihsim dingq de gangj, mbouј dingz “w, w, w” dap de.

Mbouјgvaq, dingq dwk dingq dwk, gij vah daxmeh hawj gou miz cungj roxnynh gangj mbouј mingz he, daj ndawsim conh okdaeј, hawj gij saeh saepsoiq gou lumj fwnmoenq nei, mbouј rox mbouј nynh siusanq bae.

Gou gaenq haq vunz lo, gij nienzgeij seizneix mbouј caiq ndei eiqsei lumj seiz iq nei seizbienh caeuq bohmeһ guh’unj, cix ndaeј daj gij vah roxnynh bohmeһ miz geijlai haeujsim caeuq gvaqniemh gou. Neix aiq couh dwg gij cingz raemj mbouј goenq vunzcaen loba? Gvaiq mbouј ndaeј caeuq songde gangj vah, yied gangj sim yied soeng, yied gangj sim yied raeuј.

Baenzranz hauјlai bi, dou cungj aenvih gij hong nyaengq lai, lwgnyez youh iq, gaenq hauјlai bi mbouј ndaeј dauq ranzmeh bae caez angqcomz gvaq sam nyied cosam lo.

Youq ranghdieg Bouxcuengh dou, youq liggaeuq sam nyied cosam ngoenzciет neix, gij hozdung angqhoh lai cungj lai yiengh: Miz banh hawfwen, miz dajcunz caencik, miz daengx gyog caeq coјcoeng…… Gij ciengzmienh nauhyied hoenghhwd caeuq moix bi gvaq cieng ca mbouј geijlai, hawj vunz nanzlumz dangqmaz!

Caen dahraix, moix bi yaek daengz sam nyied cosam, vunz ndaw ranz bouxboux cungj aeu bwh song sam ngoenz seizgan bae soucomz ndei gij mbaw nyumx haeuxnaengj haj saek gonq. Caj daengz sam nyied co- ngeih gyanghaemh couh dawz gij haeuxcid cimq daengz ndaw raemx- mbaw nyumx bae, haetromh couh naengj, gij hom haeuxnaengj haj saek

caeuxcaeux couh hom doh daengx mbanj liux bae lo.

Daengz ngoenz sam nyied cosam, Bouxcuengh ranzranz cungj cingj caencik baengzyoux daeuј ndawranz angqyangz comz youq, gwn ngaiz gangјgoј, nauhyied dangqmaz. Gij byaek hwnj daiz dakdaih, cawzliux miz nohgaeq, nohbit caeuq nohbya daengj doenghgij byaek ndei noh ndei, lij miz gij haeuxnaengj haj saek, mizfeih yinx vunz gwn. Daengx mbanj seiqlengq cungj miz gangj miz riu, angqangq yangzyangz. Gwn caeuз sat le, soengq hek seiz, bouxcawј vanzlij daegdaengq cang geij gaiq haeux- naengj haj saek aeu rong suek ndei soengq hawj gyoengq hek daiq baema. Danghnaeuз ngoenzhaenx ranzcawј miz saek boux vunz ndaw ranz mbouј ndaeј youq ranz caez gwn ngaiz angqhoh gvaq ciet, couh dwg mbouј gingq bouxhek, ndigah daxmeh couh engq maqmuengh gou baema.

Aenvih ranzmeh hix aeu cingj hek daeuј gwn ngaiz, aeu yungh hauјlai mbawraeu nyumx haeuxcid. Bohmeh nienzgeij gaenq laux, gou mbouј cuengqsim songde sinhoј bin bya sang mbaet mbawraeu, vih hawj bohmeһ vuenheij, baezneix yaek daengz ciet seiz, gou youq ngoenz singhgizroek, mbouј naeuз bohmeһ nyi, caegcaeg haici dauq ranzmeh. Youq gwnz ciіq, baez siengj daengz yaek bin hwnj bya sang bae mbaet mbawraeu heuruemruem, gou couh sim’angq raixcaix.

Aenvih gvan gou dwg Bouxgun, ranz de mbouј gvaq ciet sam nyied sam, ndigah baez daengz ngoenzciет neix, gou couh daegbied siengj dauq ranzmeh. Aenvih ciet neix miz mbaw- raeu homfwdfwd, miz haeuxnaengj haj saek, miz roeg ciuz va rang, miz doengzdoh seiziq, lij miz gij guh- caemz angqyangz youq rog gyang- hongh laј go faexrenh nanzlumz…… Gyonj daeuј gangj, aen ciet neix, cang rim gij vaiqvued seiz lwgnyez gou, 30 bi daeuј, cungj vut mbouј bae, ndaeјgeiq maenhndaetndaet. Baez- baez sam nyied cosam yied daeuј yied gaenh, sim gou hix gaen dawz humznyumnyum, cungj beij seiz wnq engq ngeix bohmeһ, engq ngeix ranzmbanj.

Youq ndaw doenghgij neix, gou engq gyaез aeu mbawraeu daeuј guh haeuxnaengj saekndaem. Gij hom haenx dwg gij feih seizcin, youh dwg gij feih ranzmbanj, engq dwg gij feih ndawranz.

Couhcinj bin bya dangh dah, hoeng, aenvih ci mbaeu loh sug, ndawsim vuenheij, roxnynh hix gig



vaiq couh ndaeј yawјraen gij bya henz mbanjranz lo. Sawqmwh, gij mbawraeu heuswdswd seiz mbouј seiz couh diuq haeuј ndaw da daeuј. Gyoengqde miz sang miz daemq, mwncupcup caemh- caiq hoenghhwdhwd. Gij mbaw gwnz nga goraeu neix youh mwn youh heu, gogo cingsaenz gvaekgvaek, caeuq faex wnq cungj mbouј doxdoengz. Couhcinj yaep myaeg gvaq, gou hix ndaeј sikhaek nynh ndaeј ok go lawz dwg goraeu. Raq rumz he ci daeuј, couh nyouq ndaeј daengz gij feihhom daegbied goraeu dem.

Gij hom neix, youh yinx ok gij saeh lij iq nanzlumz daeuј, gienhgienh lumj cuengq denyingј nei, mbouј dingz mbouј duenh baiј okdaeј. Mwhhaenx, seiz yaek daengz sam nyied cosam, ndaw mbanj bouxlaux lwg iq cungj baenzgyoengq guhdoiһ, aemq lwg ganj vaiz, laebdaeb hwnj ndoi bae mbaet mbawraeu singjsien. Gij lingz venj youq laј hoz vaizlwg, “dinghdingh danghdangh” yiengj mbouј dingz, caeuq gij sing gangјriu gyoengqvunz gyoeb baenz souј go laјmbanj rwenzraeuһ ndeu, hawj vunz simmaez……

Mbouј roxnynh, baenz vaiq couh daengz ranzmeh lo. Lij caengz haeuј ranz gou couh dingq daengz aen doiq “dungdang dungdang” yiengj dwk, gij hom mbawraeu daj ndaw geh dou menhmenh biu okdaeј, haeujsim haeuј saej, hawj vunz myaiz cungj yaek rih okdaeј lo!

Yenzlaiz, bohmeһ caeux bae mbaet baenz rap mbawraeu singjsien dauq lo, caemhcaiq aeu aen doiq ndaw gyanghongh daeuј daem mbawraeu. Baenzneix daem ok gij raemx faex- raeu, feih youh hom, raemx youh lai. Haeuxcid nyumx roengz bae le, couh lumj gij cehcaw mong nei lwenq-

leklek, naengj cug le, couh bienq saekndaem lo. Haeuј bak baez nyaiј, heuј bak cungj hom, gwn mbouј nyienh daengx.

Daxboh caiј riengdoiq, daxmeh maeuq youq henz gyaeuјdoiq fan mbawraeu. Dingq daengz gou hai dou hung, daxmeh dingz roengzdaeј, riengz sing ngiengxgyaeuј yawјraen gou, doq riunyumnyum hwnjdaeuј. Daxboh hix daengx din ngeux gyaeuј gvaqdaeј, hix riuһaha hwnjdaeuј: “Daeuј ndaeј cingq habngamj, daeuј ndaeј cingq habngamj, miz vunz daeuј bang rengz lo.” Gij najriu songde baenzneix soengswt, hoeng gij nyaeuq gwnz najbyak dauqfanj nyaeuq lumj mieng laeg nei.

Gij saedceij bi doek bi gvaq ndaeј ndei lo, mbawraeu oiқ hix bi doek bi maj hwnj, hoeng gij byoem ndaem bohmeһ cix bi doek bi noix lo.

“Daxboh daxmeh, sou cungj nienzgeij laux lo, hwet mbouј geng baenzlai, ndang mbouј cangq baenzlai, da youh myox dem, wnggai caj gou dauqma hwnj bya bae mbaet mbaw- raeu ha……”

Siengj daengz songde cengqgengz hwnj gwnz bya ndaw ndoeng, iet fwngz daj faexraeu sangngaungau mbaet aeu gij mbawraeu, gou cungj simyou dangqmaz.

“Dah huk mwngz neix rox maz, gij ndokndang iqetet mwngz baenzlawz ndaeј caeuq dou bouxguhnaz doxbeij ne?” Daxmeh riu gangj.

Youq ndawsim bohmeһ, lwgnyez ciengxlwenx dwg lwgnyez, lumj cungj maj mbouј hung gvaq nei. Gou cungj mbouј rox caiq gangj maz ndei lo.

Aiq dwg rumzcin raeuјrub lai, roxnaeuz dwg gij heiqrang mbawraeu haenq lai, ndaeng gou baez soemj, raemxda rim gvaengzda lo.